

kohokoha po'adhangi

omiki omiidhe dhona ta kaeaea ocao ta pa'ika'ikai, mani kohokoho
omidhe totacilalra patovalange. dhona acilaidha valange kataadhi'i
mace'elao. o'i lapolapodha madhao tohamoho sa'apalra moa 'ongolo
dhoona 'i acilai, makinikavocohae madhalro.

iki dhona 'i kalalrapa'ae, mo'adhaili kidha'odha'olo. ona 'i
kohokohodha valange 'a kinaakasi'ie acilai. oo vilrilaenga 'a kilaanga ka
miikinga ta totoho acilai. dhona tapa'ika'ikai ocao mani aavivili
lapolapodha to'onai dhoadhaace, 'ila'ilape lraana 'iaciacilai.

mani iki dhona menanae kava'i dhona ta 'alivalravalrae ocao.
mani 'itovolridhe dhona ta pa'ika'ikai. dhona ta pa'ika'ikai mani 'eke
omiidhe. dhona apa'oliongalidha mani paohiki dhona takohokohaedha
dhona acilai.

dhona valravalrae 'a mani iidhe 'ina, “kani kikohookoho'o
po'adhangi? ” iidhe. dhona ta pa'ika'ikai ocao mani iya 'ina “lo
naokohokoohoonga po'adhangi lo miali, amo patalrivataelrao 'adhangi apoto
kohokoho, maelreelrao tamo pa'ehemae kohokoho.” dhona 'i valravalrae
mani iidhe 'ina: “lo nao kohokoho po'adhangi miya'o amo 'aelaangamo'o

kohokoho, nikakocingalrani lo kohokoho'o po'adhangi, amo toomaomo'o
cengele apakacokai 'i acilai!”

dhona ta pa'ika'ikai asialalradha vahadha dhona valravalrae, mani alra
omiidhe sialalra taiaenidhe vaha mani kohokoho po'adhangi. ona
akohokohodha tohamoho ka maapoapotae, la ona akohokoohodha
po'adhangi toomao 'ali'adhangi civoho acilai. mani kadhaonga acilai,
dholronga poaciacilai dhona oomadha. to'atolohaengai
lriho'o 'ina 'adhingini takohokohaedha tatoliyae acilai tohamoho ka madhao
mia.

tavolrovolroenimite 'ina lamolai, ni'idholroata solasolate
la 'adhidhapaе, lo kidholrota poke'ecengae, maadhe'engeta takakocingalrae
la mani kamelre'emita, ka odholrokata ka olropenge dhidhape.

takakocingai dhidhape odholrimite ovili pato'oto'o, kina
kadhae 'ica'oca'oeta. mani dholromita naopi'a aiaeta.

(文章大意 僅供參考) ※字數限 200 字

挖深一點

有位農夫掘了一口井，井水很清澈。他天天趕著牲口來到井旁飲水。後來多日不降雨，沒有了井水。農夫為牲口四處奔走，尋找泉源。某天，一位旅客路過，二人談到農夫的井。客人問：「為甚麼不再掘深一點？」農夫：「再掘下去，需要鑿穿石層，太辛苦。」客人：「挖下去說不定會得到意想不到的泉源！」農夫就去把井再往深處挖，果然有泉水。

無論讀書或工作，若不肯出代價，很難獲得成果。艱難會引導我們有更深的學習，至終達到成功。